

傅青主女科

壹


14  
1475  
92



門 1 4  
號 1475  
卷 92

翼梅卷八

算牘




勿菴先生論算極詳觀玩之餘  
有得輒筆之此為牘義云爾

正弧三角會通

弧三角以正者為宗舉要第二卷論正弧其法散出有見於求餘角法者有見於第四卷次形法者又有見於塹堵測量環中黍尺二書者今為薈萃總計求角求邊凡若干正法別法附之臚列分明學者庶易會通焉

婺源後學江永慎修著

昭和十五年  
二月二日  
購



甲為正角乙猶春分角丙為交角乙甲猶赤道乙丙猶黃道丙甲猶距緯正弧隨處有之不止黃赤道而以黃赤道為喻諸法皆以甲乙丙為鈐記

求丙甲邊法

半徑與乙角正弦若乙丙正弦與丙甲正弦

中二率相乘為實首

率為法除實得四率後做此

半徑與乙角正切若乙甲正弦與丙甲正切

丙角正切與半徑若乙甲正切與丙甲正弦

若欲用半徑為首率以省除則為半徑與丙甲餘切若

乙甲正切與丙甲正弦

半徑與丙角餘弦若乙丙正切與丙甲正切

又法丙角餘弦與半徑若乙丙餘切與丙甲餘切

乙甲餘弦與半徑若乙丙餘弦與丙甲餘弦

若欲用半徑為首率以省除則為半徑與乙甲正割若

乙丙餘弦與丙甲餘弦

又法半徑與乙甲餘弦若乙丙正割與丙甲正割

又法乙丙餘弦與半徑若乙甲餘弦與丙甲正割

又法乙甲正割與半徑若乙丙正割與丙甲正割

又法乙丙正割與半徑若乙甲正割與丙甲餘弦

丙角正弦與半徑若乙角餘弦與丙甲餘弦

半徑與丙角餘割若乙角餘弦與丙甲餘弦

又法不用四率但以加減法取初數即得丙甲正弦

法為乙角度與乙丙邊度相併為總弧相減為存弧

各取餘弦如法相加減總弧過象限則兩餘弦折半

為初數即為丙甲正弦

求乙丙邊法

乙角正弦與半徑若丙甲正弦與乙丙正弦

若欲用半徑為首率以省除則為半徑與乙角餘割若

丙甲正弦與乙丙正弦

乙角餘弦與半徑若乙甲正切與乙丙正切

若欲用半徑為首率以省除則為半徑與乙角正割若

乙甲正切與乙丙正切

丙角正弦與半徑若乙甲正弦與乙丙正弦

若欲用半徑為首率以省除則為半徑與丙角餘割若

乙甲正弦與乙丙正弦

丙角餘弦與半徑若丙甲正切與乙丙正切

若欲用半徑為首率以省除則為半徑與丙角正割若

丙甲正切與乙丙正切

半徑與丙甲餘弦若乙甲餘弦與乙丙餘弦

又法乙甲餘弦與半徑若丙甲正割與乙丙正割

又法丙甲正割與半徑若乙甲餘弦與乙丙餘弦

又法半徑與乙甲正割若丙甲正割與乙丙正割

又法乙甲正割與半徑若丙甲餘弦與乙丙餘弦

又法丙甲餘弦與半徑若乙甲正割與乙丙正割

乙角正切與半徑若丙角餘切與乙丙餘弦  
半徑與乙角餘切若丙角餘切與乙丙餘弦

附句股方錐法

半徑與赤道正弦若距緯餘弦與黃道正弦  
距緯正割與半徑若赤道正弦與黃道正弦  
半徑與赤道正切若大距餘弦與黃道正切  
大距正割與半徑若赤道正切與黃道正切  
大距正弦與半徑若距緯正弦與黃道餘弦  
距緯正弦與半徑若大距正弦與黃道正割

求乙甲邊法

乙角正切與半徑若丙甲正切與乙甲正弦  
若欲用半徑為首率以省除則為半徑與乙角餘切若

丙甲正切與乙甲正弦

又法乙角正弦與乙角餘弦若丙甲正切與乙甲正  
弦

半徑與乙角餘弦若乙丙正切與乙甲正切

又法乙角正割與半徑若乙丙正切與乙甲正切

半徑與丙角正弦若乙丙正弦與乙甲正弦

半徑與丙角正切若丙甲正弦與乙甲正切

甲丙餘弦與半徑若乙丙餘弦與乙甲餘弦

又法乙丙正割與半徑若丙甲正割與乙甲餘弦

又法半徑與丙甲正割若乙丙餘弦與乙甲餘弦

又法乙丙餘弦與半徑若丙甲餘弦與乙甲正割

又法半徑與乙丙正割若丙甲餘弦與乙甲正割

又法丙甲正割與半徑若乙丙正割與乙甲正割

乙角正弦與半徑若丙角餘弦與乙甲餘弦

半徑與乙角餘割若丙角餘弦與乙甲餘弦

求乙角法

乙丙正弦與半徑若丙甲正弦與乙角正弦

若欲用半徑為首率以省除則為半徑與乙丙餘割若

丙甲正弦與乙角正弦

又法丙甲正弦與半徑若乙丙正弦與乙角正割

又法半徑與丙甲餘割若乙丙正弦與乙角正割

又法乙丙正弦與丙甲正弦若乙角正割與乙角正

切永補

乙甲正弦與半徑若丙甲正切與乙角正切

若欲用半徑為首率以省除則為半徑與乙甲餘割若

丙甲正切與乙角正切

又法丙甲正切與半徑若乙甲正弦與乙角餘切

又法半徑與丙甲餘切若乙甲正弦與乙角餘切

又法乙甲正弦與丙甲正切若乙角餘弦與乙角正

弦永補

乙丙正切與半徑若乙甲正切與乙角餘弦

若欲用半徑為首率以省除則為半徑與乙丙餘切若

乙甲正切與乙角餘弦

又法乙甲正切與半徑若乙丙正切與乙角正割

又法半徑與乙甲餘切若乙丙正切與乙角正割

又法乙甲正弦與丙甲正切若乙角餘弦與乙角正

弦永補

半徑與丙甲餘弦若丙角正弦與乙角餘弦永補

乙甲餘弦與半徑若丙角餘弦與乙角正弦永補

半徑與乙甲正割若丙角餘弦與乙角正弦永補

乙丙餘弦與半徑若丙角餘切與乙角正切永補

半徑與乙丙正割若丙角餘切與乙角正切

求丙角法

乙丙正弦與半徑若乙甲正弦與丙角正弦

若欲用半徑為首率以省除則為半徑與乙丙餘割若

乙甲正弦與丙角正弦

又法半徑與乙丙正割若乙角餘切與丙角正切

又法乙甲正弦與半徑若乙丙正弦與丙角餘割永補

丙甲正弦與半徑若乙甲正切與丙角正切

若欲用半徑為首率以省除則為半徑與丙甲餘割若

乙甲正切與丙角正切

又法乙甲正切與半徑若丙甲正弦與丙角餘切永補

乙丙正切與半徑若丙甲正切與丙角餘弦

若欲用半徑為首率以省除則為半徑與乙丙餘切若



丙甲正切與丙角餘弦

又法丙甲正切與半徑若乙丙正切與丙角正割永補

丙甲餘弦與半徑若乙角餘弦與丙角正割永補

半徑與丙甲正割若乙角餘弦與丙角正割

半徑與乙角正割若乙甲餘弦與丙角餘弦永補

半徑與乙角正切若乙丙餘弦與丙角餘切永補

已上求邊求角諸法具足有未備者永為補之一種

有數法擇用一焉可也永所補者亦因他法隅反非臆測也用之可勿疑

垂弧法趨捷

舉要第三卷論垂弧但言可求某邊某角不詳其求之之法以有正弧三角法可攷也然算以捷為貴有可省

者徑省之諸形中各求捷法以趨簡易


形內垂弧第一支甲乙丙形有丙銳角有角旁相連之乙丙甲丙二邊求對邊及餘兩角

作垂弧乙丁丁為正角 按兩邊夾一

角求對角之邊有環中黍尺專書備論


可不作垂弧欲以垂弧算之第四卷有

捷法但求丁丙邊半徑與丙角餘弦若乙丙正切與丁丙正切分甲丁邊丙丁



之餘為 卽用兩分形之兩邊以徑得乙甲 丁丙餘弦與乙丙餘弦若  
 甲丁 丁甲餘弦與 甚捷也得乙甲則二角 乙甲可求矣若按次  
 乙甲餘弦 求之先求丁丙次求乙丁次求丁乙丙分角次求乙甲  
 次求甲角及丁乙甲分角末以兩乙角併之成乙角較  
 為煩曲

形內垂弧第二支 甲乙丙形有丙銳角有角旁相連之乙丙邊及與角相對之乙甲邊  
 求餘兩 角一邊 丙




此當先求甲角 乙甲正弦與丙角正  
 若乙丙正弦與甲角正  
 弦 次求丁丙 半徑與丙角餘弦若乙  
 丙正切與丁丙正切 甲

丁 半徑與甲角餘弦若乙 分邊併得甲  
 甲正切與甲丁正切

形內垂弧第三支 甲乙丙形有乙丙二角有乙丙邊求甲角及餘邊


丙則乙角可得不必求垂弧與分角  
 若以垂弧法求之當求乙丁邊 半徑與丙角正  
 弦若乙丙正弦 丁乙丙分角 乙丙餘弦  
 與乙丁正弦 與半徑若



原設乙角內減丁乙丙得  
 丙角餘切與 乙角正切

丁乙甲分角次求甲角 半徑與乙分角正  
 乙丁餘弦與甲角餘弦 乙甲邊  
 甲角正弦與半徑若乙 甲丙邊 甲角正  
 丁正弦與乙甲正弦 若原設乙角正弦與乙丙正

丙正 此不得不求垂弧與分角者也按次形法三角求  
 邊以角易為邊邊易為角此形雖止兩角亦可弧角相  
 易以次形求之蓋在本形為兩角夾一邊在次形即為  
 兩邊夾一角在本形為求對邊之角在次形即為求對  
 角之邊徑用環中黍尺加減捷法以求之一求而甲角  
 可得矣此理隱於次形篇中永於三角求邊悟得之



形內垂弧第四支 甲乙丙形有兩甲二角有  
 乙甲邊求乙角及餘二邊  
 此當先求乙丙邊 丙角正弦與甲角正  
 弦若乙甲正弦與乙  
 次求丙丁 半徑與丙角餘弦若乙  
 丙正切與丙丁正切

丁甲 半徑與甲角餘弦若乙  
 甲正切與丁甲正切 分邊併得  
 丙甲而乙角可得

形內垂弧第五支

係二邊相同求三  
 角此形易求畧之

形外垂弧第一支


甲乙丙形有兩銳角有夾角  
 之兩邊求乙甲邊及餘兩角

自乙角作垂弧於形外補成正角 丁

本法須求丙乙丁角 乙丙餘弦與半  
 徑若丙角餘切

與乙角乙丁邊 半徑與乙丙正弦若  
 正切 丙角正弦與乙丁正


丁丙邊 半徑與丙正弦若乙  
 角正弦與丁丙正弦



可求乙甲邊

丁丙內減丙甲得甲丁半徑與甲  
 丁餘弦若乙丁餘弦與乙甲角 乙


正弦與半徑若乙丁  
 正弦與甲角正弦  
 乙角正弦未以甲角減半周得原設甲角以  
 甲乙丁虛角減丙乙丁角得原設丙乙甲角  
 若用環  
 中黍尺加減捷法則不用作垂弧一求可得乙甲邊而  
 甲乙兩角皆可求矣



形外垂弧第二支  
甲乙丙形有甲鈍角有角旁之二邊求乙丙邊及餘二角  
 本法亦作垂弧於形外補成正角先求  
 虛邊虛角而後可求形內之邊角今按  
 此亦可用環中黍尺法角求對邊鈍角用大  
 矢徑得乙丙因以求二角則不必作垂

弧


形外垂弧第三支  
及餘二角  
 甲乙丙形有丙銳角有角旁之乙  
 丙邊有對角之乙甲邊求丙甲邊



丙  
 丙本  
 乙甲正弦與乙丙正弦若  
 丙角正弦與甲角正弦  
 半徑與丙角餘弦若乙  
 丙正切與丁丙正切  
 外角餘弦若乙甲  
 正切與甲丁正切  
 于丁丙內減甲丁得  
 丙甲而乙角可求矣


形外垂弧第四支  
 乙甲丙形有甲鈍角有角旁之甲  
 丙邊及對角之乙丙邊求乙甲邊

及餘  
二角




形外垂弧第五支

乙甲丙形有丙甲二角一銳一鈍  
有丙甲邊在兩角之中求乙角




本法作垂弧先算虛邊虛角今按兩角  
夾一邊求對邊之角猶之兩邊夾一角  
求對角之邊徑易角為邊易邊為角用

加減捷法可得對丙甲邊之乙角  
形外垂弧第六支  
乙甲丙形有乙甲二角乙銳甲鈍  
有丙甲邊與乙銳角相對鈍角相  
連



形外垂弧第七支

乙甲丙形有乙銳角甲鈍角有丙  
乙邊與甲鈍角相對銳角相連



此當先求丙甲邊餘如第六支之法

算術卷八

三

海山仙館叢書

垂弧又法第一支

乙甲丙形有乙丙邊在兩角間而兩角並鈍求餘二邊及甲角


法引丙甲至已引乙甲至戊各滿半

周作戊已邊與乙丙等而已與戊並

乙丙之外角成甲戊已次形依法作

垂弧于次形之內加已分為兩形本

法求乙甲邊以已丁戊分形求到丁



戊半徑與戊角餘弦若已以已丁甲形求到甲丁先于

戊形求得已角以減原有之已角餘為丁已甲分角又

求得已丁垂弧乃求甲丁法為半徑與已分角正切若

已丁正弦與甲丁正切合之成甲戊以減半周得乙甲求丙甲邊

以已丁甲分形求到已甲丁已甲角餘弦與半徑若已丁正切與已甲正切以

減半周得丙甲乃以已丁甲分形求到甲交角已甲正弦與半

徑若已丁正弦按此殊多曲折徑易角為邊易邊為角

與甲角正弦或用本形之乙丙兩鈍角易為邊以乙丙邊為角取


矢或用次形之已戊兩銳角易為邊取已戊矢皆可

加減捷法求之即可得甲角因以求二邊

垂弧又法第二支乙甲丙形有丙甲二角有乙甲邊與丙角相對而兩角俱鈍求乙角

如法引甲乙丙乙俱滿半周會



及餘邊



于已成丙甲已次形作已丁垂  
 弧于次形内分次形為兩本法  
 求乙角惟求分形兩已角合之  
 為次形已角與乙對角等又求

分形甲丁丁丙併之為甲丙以求到次形已丙減半周  
 為乙丙今按此形當先求乙丙邊  
 若甲角正弦與乙甲正弦  
 減半周餘為已丙虛邊次求甲丁  
 乙甲減半周得甲  
 已半徑與甲外角  
 餘弦若甲已正  
 切與甲丁正切  
 丁丙  
 半徑與丙外角餘弦若  
 已丙正切與丁丙正切  
 併得甲丙  
 因以求乙角  
 有弧角  
 比例  
 稍為直捷若欲先知乙角如本法


可矣  
 已甲餘弦與半徑若甲外角餘切與甲已丁分角  
 正切又半徑與甲已正弦若甲外角正弦與丁已  
 正弦又丁已餘弦與半徑若丙外角餘弦與丁已丙  
 角正弦合兩分形已角為次形已角即為本形乙角  
 垂弧又法第三支  
 乙甲丙形有乙丙乙甲兩  
 邊有乙角在兩邊之中  
 本法用甲乙戊次形算之今按此  
 亦可用加減捷法徑得丙甲



垂弧又法第四支  
 乙甲丙形有丙角有甲丙邊  
 與角連有乙甲邊與角對  
 法用甲已戊次形  
 甲已為甲乙減  
 半周之餘甲戊  
 為甲丙減半周之餘  
 戊角為丙之外角  
 作垂弧于內

求乙丙邊及餘兩角按此形當先求乙角乙甲正弦與丙角正弦若  
 甲丙正弦與乙角正弦已為乙因知己虛角之外角次求丁己半徑與已角餘弦若  
 甲己正切與丁己正切半徑與戊角正切若甲併得己戊即  
 丙乙因以求甲角若欲先知甲角即于丁戊甲分形求  
 之半徑與戊角正切若甲因以求乙丙邊丙角正弦與乙甲正弦若  
 甲角正弦與乙丙正弦戊餘弦與甲角餘切


垂弧又法第五支乙甲丙形有三邊內有乙甲丙甲二邊相同而皆為過弧求三角  
 本法用次形作垂弧求之今按此  
 亦可用加減捷法求甲角角旁兩



弧同度則加減有變例檢環中黍尺五卷補遺用之


垂弧又法第六支乙甲丙形有丙甲二鈍角有甲丙邊在兩角間

本法引乙丙乙甲滿半周會于戊成甲戊丙次形作垂弧于次形外以求之今按此亦可易角為邊易




邊為角依加減捷法求之徑得乙角因以求  
 垂弧又法第七支乙甲丙形有乙甲二鈍角有甲丙邊與角對  
 法引設邊成丙戊甲次形戊為乙對角與





乙角作垂弧于次形外此或先求  
 等乙丙 乙角正弦與甲丙正弦若  
 甲角正弦與乙丙正弦 減  
 半周得丙戊或先求丙戊 戊角正  
 甲正弦若甲外角 減半周得乙丙  
 正弦與丙戊正弦 減半周得乙丙  
 次求丁甲 甲外角餘弦與半徑若  
 甲丙正切與甲丁正切 丁戊 戊外角正割與  
 切與丁 以丁戊減丁甲餘為戊甲以戊甲減半周餘為  
 乙甲因以求丙角 若欲先知丙角先求甲  
 丁對邊即可求得丙角  
 垂弧又法第八支 乙甲丙形有丙鈍角有  
 角旁之兩邊丙乙丙甲  
 本法用甲戊丙次形作甲丁垂




垂弧又法第九支 乙甲丙形有甲鈍角有乙丙  
 邊與甲對丙甲邊與角連  
 法用丙戊甲次形自丙角作垂弧與  
 甲戊引長邊會于丁此當先求乙角  
 本形有甲丙 即戊角 對角  
 對邊比例 等 次求丁甲  
 與丁戊 與第七支 于丁甲內減丁戊  
 求法同  
 弧引丙戊會于丁可求乙甲邊  
 及甲乙二角今按此亦可用加  
 減捷法徑求乙甲對邊因以求  
 二角

為甲戌即得乙甲

法同七支

因以求丙角



次形

斜弧三角求邊必弧角互易用次形求之圖與算例  
 皆詳明矣然易角為邊有用本角度有用外角度恐  
 易混淆今為釐定開列如左庶用之無誤

凡三角俱銳者在圓周之兩角用本角度其交角用外

角度凡三邊必有一邊就圓周凡三角必有兩角在圓周餘一角為交角

凡三角俱鈍者皆用外角度

凡兩鈍一銳鈍在圓周銳在交角者亦猶三角俱鈍皆  
 用外角度

凡兩鈍一銳銳在圓周者用本角度其兩鈍一在圓周者用外角度一在交角者用本角度

凡兩銳一鈍銳在圓周者用本角度鈍在交角者用外角度

凡兩銳一鈍銳在圓周者用本角度在交角者用外角度鈍在圓周者亦用外角度

方圓冪積比例補

勿菴先生有方圓冪積一卷凡方圓周徑面體比例詳矣愚思之尙有方分圓分比例一法從來算家只言冪積不言圓分而范蜀公論律云古者以竹為律竹形本圓今以方分置算此律非是算法圓分謂之徑圍方分謂之方斜今圓分而以方法算之此算數非是圓分始見于此圓體用圓分置算亦有至理平圓有平圓分立圓有立圓分得其方分圓分之比例則有大小不等之渾圓欲得倍數之差但借立方算

之其得數甚真亦甚捷故為補此一法

先論圓分

算家命平方如棋局之罫者謂之羃合計之謂之積夫  
 有平羃亦當有平圓之分合衆小圓之分亦可謂平  
 圓之積由是而為立圓亦可謂立圓分立圓積矣夫所  
 謂圓分者非若勾股容圓虛其四隅也非若方體圓體  
 中容得幾個圓球球間尚有空隙也大小相容全無隙  
 罅但有圓之數而無圓之形是所謂圓分圓積也  
如以粉作丸復碎丸成粉入大圓中謂此大圓能容幾個粉丸

平方平圓

方徑一十 羃積一百

圓徑一十 羃積七十八又五三九八一六

圓積一百

方圓有相應之理方圓同徑圓者剷其四角故羃積  
 七十八有奇若圓中復容圓必與同徑之方等積大圓  
 與小圓猶之大方與小方也此為渾圓立方比例之  
 根

立方立圓

立方徑一十 立方面幕六百

立圓徑一十 立圓面幕三百一十四又一五九二六

五

立圓面圓分六百

立圓即渾圓渾圓面幕與圓徑上平幕若四與一故

四倍平圓面幕七八五三而得三一四一五九二六

五立方有六面則有六百與渾圓面幕若六與三一

四一五九二六五而渾圓面上之圓分則又與立方

面幕等

立方徑一十 立方積一千

立圓徑一十 立圓積五百二十三又五九八七七五

立圓面分積一千

立方立圓同徑又刻去立方之八角則其積之比例

若六與三一四一五九二六五故立方積一立圓積

五二三五九八七七五猶之立方面幕六而立圓面

幕三一四一五九二六五也積與幕既同比例矣則

立圓面分積亦必與立方積等猶之立圓面圓分與立

方面幕等也然則平幕面幕體積方與方圓與圓其

數皆等借立方可算立圓而大小圓球之差數睹矣

借立方算立圓

立方徑自乘又以徑乘之得積立圓亦徑自乘又以徑乘之得立圓圓分積

求大小圓差幾倍數

大小圓各算得積以積相較得差數若干倍

假如

今有大圓徑三十六小圓徑六徑之差六倍實體差若干倍

答曰大圓比小圓差二百一十六倍

法以大圓徑自乘再乘得積四萬六千六百五十

六小圓徑自乘再乘得積二百一十六其差亦二

百一十六倍

小圓徑自乘即大圓徑故差數與積數等二百一十六自乘亦即四萬六

千六百五十六

又法以兩徑差倍數自乘又以倍數乘之所得亦

同

今有大圓徑一十五萬小圓徑八千徑之差十九倍弱  
實體差若干倍

答曰大圓比小圓差六千五百九十倍奇

法以十五萬自乘再乘大數三三七五以八千自

乘再乘小數五一二大數為實小數為法除實得

六千五百九十除實三三七四零八幾盡故差六

千五百九十倍奇

大小數相差甚遠借十九倍數  
自乘再乘得六千有奇故知首  
位是六千不用十九倍數  
算者不正得十九倍也

此日月實體約畧差數也利西泰云日大于月六千

五百三十八倍奇亦相近

今有大圓徑十五萬小圓徑二萬八千二百七十四徑

之差五倍有奇實體差若干倍

答曰大圓比小圓差一百四十九倍奇

法以小圓自乘再乘得二二六零二七七五為小

數大圓大數如前以大數為實小數為法除實得

一百四十九幾盡故差一百四十九倍有奇

此日與地實體約畧差數也利西泰云日大于地球

一百六十五倍奇蓋利算日徑不啻十五萬里

今有大圓徑二萬八千二百七十四小圓徑八千徑之

差三倍半有奇實體差若干倍

答曰大圓比小圓差四十四倍奇

法以大圓積二二六零二七七五為實小圓積五

一二為法除之得四十四除實二二五二八不盡

此故差四十四倍奇

此地與月實體約畧差數也利西泰云地大于月三

十八倍奇蓋利算月徑不啻八千里

右法算渾圓大小相較之差徑捷如此是亦少廣之一

法不可缺也西人言日大于地五倍有奇又云一百六

十五倍有奇兩數甚相懸今為補此一法則日大于地

實體與圓徑迥殊不足詫異矣



翼梅卷八

南海譚瑩校

道光丁未鐫

傅青主女科

海山僊館叢書

海山館叢書

# 人壽考年表

卷八

南海譚璧校

序

青主先生於明季時以諸生伏闕上書訟袁臨侯冤事  
尋得白當時義聲動天下馬文甬義士傳比之裴瑜魏  
劭國變後隱居岵嶠山中四方仰望丰采已未鴻詞之  
薦先生堅卧不赴有司敦促就道先生卒守介節

聖祖仁皇帝鑒其誠降

旨傅山文學素著念其年邁從優加銜以示恩榮遂授內閣

中書聽其回籍蓋其高尚之志已久為

聖天子所心重矣而世之稱者乃盛傳其字學與醫術不已

序  
細哉字爲六藝之一先生固嘗究心若醫者先生所以  
晦迹而逃名者也而名卽隨之抑可奇矣且夫醫亦何  
可易言自後漢張仲景創立方書以來幾二千年專門  
名家罕有窮其奧者先生以餘事及之遽通乎神余讀  
兼濟堂文集並觚賸諸書記先生軼事其診疾也微而  
臧其用方也奇而法有非東垣丹溪諸人所能及者昔  
人稱張仲景有神思而乏高韻故以方術名先生旣壇  
高韻又饒精思賢者不可測如是耶向聞先生有手著  
女科並產後書二冊未之見也近得鈔本於友人處乙

酉適世兄王奎章來省試具道李子緝中賢至丙戌冬  
果寄貲命付剗劂甚盛德事也故樂爲序而行之並述  
先生生平大節及

聖朝廣大之典不禁爲之掩卷而三歎也道光丁亥夏五月  
丹崖張鳳翔題

序

執成方而治病古今之大患也昔人云用古方治今病如拆舊屋蓋新房不經大匠之手經營如何得宜誠哉是言昔張仲景先生作傷寒論立一百一十三方言後世必有執其方以誤人者甚矣成方之不可執也然則今之女科一書何爲而刻乎此書爲傅青主徵君手著其居心與仲景同而立方與仲景異何言之仲景傷寒論雜症也有五運六氣之殊有中表傳裏之異或太陽太陰不一其稟或內傷外感不一其原或陽極似陰陰

極似陽不一其狀非精心辨症因病製方斷不能易危  
就安應手卽愈此書則不然其方專爲女科而設其症  
則爲婦女所同帶下血崩調經種子以及胎前產後人  
雖有虛實寒熱之分而方則極平易精詳之至故用之  
當時而效傳之後世而無不效非若傷寒雜病必待臨  
症詳審化裁通變始無貽誤也嘗慨後世方書汗牛充  
棟然或偏攻偏補專於一家主熱主寒堅執謬論炫一  
己之才華失古人之精奧仲景而後求其貫徹靈素能  
收十全之效者不數數覩讀徵君此書談症不落古人

窠臼制方不失古人準繩用藥純和無一峻品辨症詳  
明一目了然病重者十劑奏功病淺者數服立愈較仲  
景之傷寒論方雖不同而濟世之功則一也此書晉省  
鈔本甚夥然多秘而不傳間有減去藥味錯亂分量者  
彼此參證多不相符茲不揣冒昧詳校而重刊之竊願  
家置一編遇症翻檢照方煎服必能立起沈疴並登壽  
域或亦濟人利世之一端也夫

道光十一年新正上元同里後學祁爾誠謹序

女科上卷目錄 共三十八條三十九症四十一方

帶下

白帶 完帶湯

青帶 加減逍遙散

黃帶 易黃湯

黑帶 利火湯

赤帶 清肝止淋湯

血崩

昏暗 固本止崩湯

年老血崩 加減當歸補血湯

少婦血崩 固氣散

交感血出 引精止血湯

鬱結血崩 平肝開鬱止血湯

閃跌血崩 逐瘀止血湯

血海太熱血崩 清海丸

鬼胎

婦人鬼胎 蕩鬼湯 紅花霹靂散

室女鬼胎 蕩邪散 調正湯

調經

經水先期 水火太旺清經散 火旺水虧兩地湯

經水後期 溫經攝血湯

經水前後無定期 定經湯

經水數月一行 助仙丹

年老經水復行 安老湯

經水忽來忽斷時疼時止 加味四物湯

經水未來腹先疼 宜鬱通經湯

行經後小腹疼痛 調肝湯

經前腹疼吐血 順經湯

經水將來臍下先疼痛 溫臍化濕湯

經水過多 加減回物湯

經前先洩水 健固湯

經前大便血 順經兩安湯

年未老經水斷 益經湯

種子

身瘦不孕 養精種玉湯

胸滿不思食不孕 并提湯

下部冰冷不受孕 溫胞飲

胸滿少食不受孕 溫土毓麟湯

少腹急迫不受孕 寬帶湯

嫉妬不孕 開鬱種玉湯

肥胖不受孕 加味補中益氣湯

骨蒸夜熱不受孕 清骨滋腎湯

腰酸腹脹不受孕 升帶湯

便澁腹脹足浮腫不受孕 化水種子湯



女科上卷

陽曲傅 山青主手著

白帶下 一

夫帶下俱是濕症而以帶名者因帶脉不能約束而有此病故以名之蓋帶脉通於任督任督病而帶脉始病帶脉者所以約束胞胎之系也帶脉無力則難以提繫必然胎胞不固故曰帶弱則胎易墜帶傷則胎不牢然而帶脉之傷非獨跌閃挫氣已也或行房而放縱或飲酒而顛狂雖無疼痛之苦而有暗耗之害則氣不能化

婦科一門最屬難治不難於用方難於辨症也五帶

女科上

帶下

海山仙館叢書



症辨之極明  
立方極善倘  
用之不效者  
必其人經水  
不調須於調  
經種子二門  
參酌治之無  
不見效即如  
白帶症倘服  
藥不效其人  
必經水過期  
少腹急迫宜  
服寬帶湯餘  
宜類參方見  
三十三

經水而反變為帶病矣故病帶者惟尼僧寡婦出嫁之  
女多有之而在室女則少也况加以脾氣之虛肝氣之  
鬱濕氣之侵熱氣之逼安得不成帶下之病哉故婦人  
有終年累月下流白物如涕如唾不能禁止甚則臭穢  
者所謂白帶也夫白帶乃濕盛而火衰肝鬱而氣弱則  
脾土受傷濕土之氣下陷是以脾精不守不能化榮血  
以為經水反變成白滑之物由陰門直下欲自禁而不  
可得也治法宜大補脾胃之氣稍佐以舒肝之品使風  
木不閉塞於地中則地氣自升騰於天上脾氣健而濕

氣消自無白帶之患矣方用完帶湯

白朮

一兩  
土炒

山藥

一兩  
炒

人參

二錢

白芍

五錢  
酒炒

車前子

三錢  
酒炒

蒼朮

三錢  
製

甘草

一錢

陳皮

五分

黑芥穗

五分

柴胡

六分

水煎服二劑輕四劑止六劑則白帶全愈此方脾胃  
肝三經同治之法寓補於散之中寄消於升之內開  
提肝木之氣則肝血不燥何至下尅脾土補益脾土  
之元則脾氣不濕何難分消水氣至於補脾而兼以  
補胃者由裏以及表也脾非胃氣之強則脾之弱不

能旺是補胃正所以補脾耳

青帶下 二

婦人有帶下而色青者甚則綠如菜豆汁稠粘不斷其氣腥臭所謂青帶也夫青帶乃肝經之濕熱肝屬木木色屬青帶下流如菜豆汁明明是肝木之病矣但肝木最喜水潤濕亦水之積似濕非肝木之所惡何以竟成青帶之症不知水為肝木之所喜而濕實肝木之所惡以濕為土之氣故也以所惡者合之所喜必有違者矣肝之性既違則肝之氣必逆氣欲上升而濕欲下降兩相牽掣以停住於中焦之間而走於帶脉遂從陰器而

脾土喜燥而  
惡濕土病濕  
則木必乘之  
木又為濕土  
之氣所侮故  
肝亦病逍遙  
散減去當歸  
妙極

出其色青綠者正以其乘肝木之氣化也逆輕者熱必  
輕而色青逆重者熱必重而色綠似乎治青易而治綠  
難然而均無所難也解肝木之火利膀胱之水則青綠  
之帶病均去矣方用加減逍遙散

茯苓五錢 白芍酒炒五錢 甘草生用五錢 柴胡一錢 陳皮一錢 茵陳三錢  
梔子炒三錢

水煎服二劑而色淡四劑而青綠之帶絕不必過劑  
矣夫逍遙散之立法也乃解肝鬱之藥耳何以治青  
帶若斯其神與蓋濕熱留於肝經因肝氣之鬱也鬱

則必逆逍遙散最能解肝之鬱與逆鬱逆之氣既解  
則濕熱難留而又益之以茵陳之利濕梔子之清熱  
肝氣得清而青綠之帶又何自來此方之所以奇而  
效捷也倘僅以利濕清熱治青帶而置肝氣於不問  
安有止帶之日哉

--	--	--	--

黃帶下 三

婦人有帶下而色黃者宛如黃茶濃汁其氣腥穢所謂黃帶是也夫黃帶乃任脉之濕熱也任脉本不能容水濕氣安得而入而化為黃帶乎不知帶脉橫生通於任脉任脉直上走於唇齒唇齒之間原有不斷之泉下貫於任脉以化精使任脉無熱氣之繞則口中之津液盡化為精以入於腎矣惟有熱邪存於下焦之間則津液不能化精而反化濕也夫濕者土之氣實水之侵熱者火之氣實木之生水色本黑火色本紅今濕與熱合欲

丹邪元邪四字未晰擬易以真水真火為濕熱之氣所侵繞於任脉云云較無語病然原書究不可輕改姑仍之

凡帶症多係脾濕初病無

熱但補脾土兼理衝任之氣其病自愈若濕久生熱必得清腎火而濕始有去路方用黃柏車前子妙

化紅而不能欲返黑而不得煎熬成汁因變為黃色矣

此乃不從水火之化而從濕化也所以世之人有以黃

帶為脾之濕熱單去治脾而不得痊者是不知真水真

火合成丹邪元邪繞於任脉胞胎之間而化此齡色也

單治脾何能痊乎法宜補任脉之虛而清腎火之炎則

庶幾矣方用易黃湯

山藥一兩 芡實一兩 黃柏二錢 鹽炒 車前子一錢

白果十枚

水煎連服四劑無不全愈此不特治黃帶方也凡有

帶病者均可治之而治帶之黃者功更奇也蓋山藥

芡實專補任脉之虛又能利水加白果引入任脉之

中更為便捷所以奏功之速也至於用黃柏清腎中

之火也腎與任脉相通以相濟解腎中之火即解任

脉之熱矣

黑帶下 四

婦人有帶下而色黑者甚則如黑豆汁其氣亦腥所謂黑帶也夫黑帶者乃火熱之極也或疑火色本紅何以成黑謂爲下寒之極或有之殊不知火極似水乃假象也其症必腹中疼痛小便時如刀刺陰門必發腫面色必發紅日久必黃瘦飲食必兼人口中必熱渴飲以凉水少覺寬快此胃火太旺與命門膀胱三焦之火合而熬煎所以熬乾而變爲炭色斷是火熱之極之變而非少有寒氣也此等之症不至發狂者全賴腎水與肺金

無病其生生不息之氣潤心濟胃以救之耳所以但成黑帶之症是火結於下而不炎於上也治法惟以洩火為主火熱退而濕自除矣方用利火湯

大黃 三錢 白朮 五錢 土炒 茯苓 三錢 車前子 三錢 酒炒  
王不留行 三錢 黃連 三錢 梔子 三錢 炒 知母 二錢  
石膏 五錢 煨 劉寄奴 三錢

水煎服一劑小便疼止而通利二劑黑帶變為白三劑白亦少減再三劑全愈矣或謂此方過於迅利殊不知火盛之時用不得依違之法譬如救火之焚而

病愈後當節飲食戒辛熱

之物調養脾土若恃有此方病發即服必傷元氣矣慎之

少為遷緩則火勢延燃不盡不止今用黃連石膏梔子知母一派寒涼之品入於大黃之中則迅速掃除而又得王不留行與劉寄奴之利濕甚急則濕與熱俱無停住之機佐白朮以輔土茯苓以滲濕車前以利水則火退水進便成既濟之卦矣



--	--	--

赤帶下 五

婦人有帶下而色紅者似血非血淋瀝不斷所謂赤帶也夫赤帶亦濕病濕是土之氣宜見黃白之色今不見黃白而見赤者火熱故也火色赤故帶下亦赤耳惟是帶脉繫於腰臍之間近乎至陰之地不宜有火而今見火症豈其路通於命門而命門之火出而燒之耶不知帶脉通於腎而腎氣通於肝婦人憂思傷脾又加鬱怒傷肝於是肝經之鬱火內熾下尅脾土脾土不能運化致濕熱之氣蘊於帶脉之間而肝不藏血亦滲於帶脉

不用參朮苓  
極妙此症若  
誤認爲血漏  
恐其久則成  
崩用參朮苓  
等藥治之多  
不見效赤帶  
反甚若年逾  
四九癸水將  
止或頻頻見

血此崩症也  
宜分別治之  
五帶症古方  
極多然有應  
有不應者總  
屬未得病原  
此書揭透病  
原故用無不  
效

之內皆由脾氣受傷運化無力濕熱之氣隨氣下陷同  
血俱下所以似血非血之形象現於其色也其實血與  
濕不能兩分世人以赤帶屬之心火誤矣治法須清肝  
火而扶脾氣則庶幾可愈方用清肝止淋湯

白芍

一兩

當歸

一兩

生地

五錢

阿膠

三錢

白

粉丹皮

三錢

黃柏

二錢

牛膝

二錢

香附

一錢

酒炒

紅棗

十個

小黑豆

一兩

水煎服一劑少止二劑又少止四劑全愈十劑不再  
發此方但主補肝之血全不利脾之濕者以赤帶之

爲病火重而濕輕也夫火之所以旺者由於血之衰  
補血卽足以制火且水與血合而成赤帶之症竟不  
能辨其是濕非濕則濕亦盡化而爲血矣所以治血  
則濕亦除又何必利濕之多事哉此方之妙妙在純  
於治血少加清火之味故奏功獨奇倘一利其濕反  
引火下行轉難遽效矣或問曰先生前言助其脾土  
之氣今但補其肝木之血何也不知用芍藥以平肝  
則肝氣得舒肝氣舒自不克土脾不受尅則脾土自  
旺是平肝正所以扶脾耳又何必加人參白朮之品

以致累事哉

女科

九

血崩昏暗 六

婦人有一時血崩兩目黑暗昏暈在地不省人事者人莫不謂火盛動血也然此火非實火乃虛火耳世人一見血崩往往用止澁之品雖亦能取效於一時但不用補陰之藥則虛火易於沖擊恐隨止隨發以致經年累月不能全愈者有之是止崩之藥不可獨用必須於補陰之中行止崩之法方用固本止崩湯

大熟地 一兩  
白朮 一兩  
黃芪 三錢  
當歸 五錢  
黑姜 二錢  
人參 三錢

女科止

血崩

世

海山仙館叢書

若血崩數日  
血下數斗六  
脈俱無鼻中  
微微有息不  
可遽服此方  
恐氣將脫不  
能受峻補也  
有力者用遼  
人參三錢煎  
成沖貫眾炭  
末一錢服之  
待氣息微旺  
然後服此方  
仍加貫眾炭  
末一錢無不  
見效無力者

水煎服一劑崩止十劑不再發倘畏藥味之重而減  
半則力薄而不能止方妙在全不去止血而惟補血  
又不止補血而更補氣非惟補氣而更補火蓋血崩  
而至於黑暗昏暈則血已盡去僅存一線之氣以為  
護持若不急補其氣以生血而先補其血而遺氣則  
有形之血恐不能遽生而無形之氣必且至盡散此  
所以不先補血而先補氣也然單補氣則血又不易  
生單補血而不補火則血又必凝滯而不能隨氣而  
速生況黑薑引血歸經是補中又有收斂之妙所以

用無灰黃酒  
沖貫眾炭末  
三錢服之待  
其氣接神清  
始可服此方  
人參以黨參  
代之臨服亦  
加貫眾炭末  
一錢沖入

同補氣補血之藥並用之耳

年老血崩 七

亦有孀婦年老血崩者必係氣冲血室原方加杭芍炭三錢貫衆炭三錢極效

婦人有年老血崩者其症亦與前血崩昏暗者同人以為老婦之虛耳誰知是不慎房幃之故乎夫婦人至五十歲之外天癸匱乏原宜閉關守寨不宜出陣戰爭苟或適興不過草草了事尙不至腎火大動倘興酣浪戰亦如少年之好合鮮不血室大開崩決而墜矣方用加

減當歸補血湯

當歸 一兩 酒洗 黃芪 一兩 生用 三七根末 三錢 桑葉 十四片  
水煎服二劑而血少止四劑不再發然必須斷慾始

女科止

血崩

海山仙館叢書

除根若再犯色慾未有不重病者也夫補血湯乃氣血兩補之神劑三七根乃止血之聖藥加入桑葉者所以滋腎之陰又有收斂之妙耳但老婦陰精既虧用此方以止其暫時之漏實有奇功而不可責其永遠之績者以補精之味尚少也服此四劑後再增入白朮五錢熟地一兩山藥四錢麥冬三錢北五味一錢服百劑則崩漏之根可盡除矣

少婦血崩八

妊娠宜避房事不避者縱幸不至崩往往隨胎即不難養慎之戒之

有少婦甫娠三月即便血崩而胎亦隨墮人以為挫閃受傷而致誰知是行房不慎之過哉夫少婦行房亦事之常耳何便血崩蓋因元氣衰弱事難兩顧一經行房洩精則妊娠無所依養遂致崩而且墮凡婦人之氣衰即不耐久戰若貪歡久戰則必洩精太甚氣每不能攝夫血矣況氣弱而又娠再加以久戰內外之氣皆動而血又何能固哉其崩而墮也亦無怪其然也治法自當以補氣為主而少佐以補血之品斯為得之方用固氣

湯

人參 一兩 白朮 五錢 大熟地 五錢 當歸 三錢  
土炒 白茯苓 二錢 甘草 一錢 杜仲 三錢 山萸肉 二錢  
酒洗 遠志 一錢 五味子 十粒  
去心炒 水煎服一劑而血止連服十劑全愈此方固氣而兼  
補血已去之血可以速生將脫之血可以盡攝凡氣  
虛而崩漏者此方最可通治非僅治小產之崩其最  
妙者不去止血而止血之味含於補氣之中也

欲種子者必  
待落紅後即  
三十時辰兩  
日半也經來  
之時數足三  
十時辰便可  
入房一日男  
二日女三日  
男四日女五  
日男六日女  
七日男過七  
日即不能受  
孕矣

交感血出 九

婦人有一交合則流血不止者雖不至於血崩之甚而  
終年累月不得愈未免血氣兩傷久則恐有血枯經閉  
之憂此等之病成於經水正來之時貪歡交合精冲血  
管也夫精冲血管不過一時之傷精出宜愈何以久而  
流紅不知血管最嬌嫩斷不可以精傷凡婦人受孕必  
於血管已淨之時方保無虞倘經水正旺彼欲湧出而  
精射之則欲出之血反退而縮入既不能受精而成胎  
勢必至集精而化血交感之際淫氣觸動其舊日之精

則兩相感召舊精欲出而血亦隨之而出治法須通其胞胎之氣引舊日之集精外出而益之以補氣補精之藥則血管之傷可以補完矣方用引精止血湯

人參 五錢 白木 一兩 茯苓 三錢 熟地 一兩  
土炒 去皮 熟地 九蒸

山萸肉 五錢 黑薑 一錢 黃栢 五分 芥穗 三錢

車前子 三錢  
酒炒

水煎連服四劑愈十劑不再發此方用參朮以補氣用地萸以補精精氣既旺則血管流通加入茯苓車前以利水與竅水利則血管亦利又加黃栢為引直

入血管之中而引夙精出於血管之外芥穗引敗血出於血管之內黑薑以止血管之口一方之中實有調停曲折之妙故能祛舊病而除陳疴然必須慎房幃三月破者始不至重傷而補者始不至重損否則不過取目前之效耳其慎之哉宜寡慾



崩漏之症，其來不一，或先期而崩，或後期而崩，或崩漏相兼，或崩漏相繼，或崩漏相雜，或崩漏相並，或崩漏相參，或崩漏相錯，或崩漏相亂，或崩漏相雜，或崩漏相並，或崩漏相參，或崩漏相錯，或崩漏相亂。

鬱結血崩 十

婦人有懷抱甚鬱，口乾舌渴，嘔吐吞酸，而血下崩者，人皆以火治之，時而效，時而不效，其故何也？是不識為肝氣之鬱結也。夫肝主藏血，氣結而血亦結，何以反至崩漏？蓋肝之性急，氣結則其急更甚，更急則血不能藏，故崩不免也。治法宜以開鬱為主。若徒開其鬱而不知平肝，則肝氣大開，肝火更熾，而血亦不能止矣。方用平肝開鬱止血湯。

白芍 一兩  
 醋炒  
 白朮 一兩  
 土炒  
 當歸 一兩  
 酒洗  
 丹皮 三錢

女科止

血崩

上海山仙館叢書

此方入貫仲  
炭三錢更妙

三七根 三錢 研末 生地 三錢 酒炒 甘草 二錢 黑芥穗 二錢  
柴胡 一錢

水煎服一劑嘔吐止二劑乾渴除四劑血崩愈方中  
妙在白芍之平肝柴胡之開鬱白朮利腰臍則血無  
積住之虞荆芥通經絡則血有歸還之樂丹皮又清  
骨髓之熱生地復清臟腑之炎當歸三七於補血之  
中以行止血之法自然鬱結散而血崩止矣

閃跌血崩 十一

婦人有升高墜落或閃挫受傷以致惡血下流有如血  
崩之狀者若以崩治非徒無益而又害之也蓋此症之  
狀必手按之而疼痛久之則面色痿黃形容枯槁乃是  
疼血作祟並非血崩可比倘不知解瘀而用補澁則瘀  
血內攻疼無止時反致新血不得生舊血無由化死不  
能悟豈不可傷哉治法須行血以去瘀活血以止痛則  
血自止而愈矣方用逐瘀止血湯

生地 一兩 酒炒 大黃 三錢 赤芍 三錢 丹皮 一錢

女科止

血崩

六

海山仙館叢書

凡跌打損傷  
致唾血嘔血  
皆宜如此治  
法若血聚胃  
中宜加川厚  
朴一錢半姜  
汁炒

當歸尾 五錢 枳壳 五錢 龜版 三錢 桃仁 十粒  
水煎服一劑疼輕二劑疼止三劑血亦全止不必再  
服矣此方之妙妙於活血之中佐以下滯之品故逐  
瘀如掃而止血如神或疑跌閃升墜是由外而傷內  
雖不比內傷之重而既已血崩則內之所傷亦不為  
輕何以只治其瘀而不顧氣也殊不知跌閃升墜非  
由內傷以及外傷者可比蓋本實不撥去其標病可  
耳故曰急則治其標

凡血崩症最  
宜絕慾避房  
無奈少年人  
彼此貪歡故  
服藥往往不  
效若三月後  
崩止病愈而  
房事仍無節  
制病必復作  
久則成勞慎  
之

血海太熱血崩 十二

婦人有每行人道經水即來一如血崩人以為胞胎有  
傷觸之以動其血也誰知是子宮血海因太熱而不固  
乎夫子宮即在胞胎之下而血海又在胞胎之上血海  
者衝脉也衝脉太寒而血即虧衝脉太熱而血即沸血  
崩之為病正衝脉之太熱也然既由衝脉之熱則應常  
崩而無有止時何以行人道而始來果與肝木無恙耶  
夫脾健則能攝血肝平則能藏血人未入房之時君相  
二火寂然不動雖衝脉獨熱而血亦不至外馳及有人

女科止

血崩

海山仙館叢書

道之感則子宮大開君相火動以熱招熱同氣相求翕然齊動以鼓其精房血海泛濫有不能止遏之勢肝欲藏之而不能脾欲攝之而不得故經水隨交感而至若有聲應之捷是惟火之為病也治法必須滋陰降火以清血海而和子宮則終身之病可半載而除矣然必絕慾三月而後可方用清海丸

大熟地 一斤 山萸 十兩 山藥 十兩 丹皮 十兩  
九蒸 北五味 二兩 麥冬肉 十兩 白朮 一斤 白芍 一斤  
炒 龍骨 二兩 地骨皮 十兩 乾桑葉 一斤 元參 一斤

沙參 十兩 石斛 十兩

右十四味各為細末合一處煉蜜丸桐子大早晚每服五錢白滾水送下半載全愈此方補陰而無浮動之慮縮血而無寒涼之苦日計不足月計有餘潛移默奪子宮清涼而血海自固倘不揣其本而齊其末徒以髮灰白礬黃連炭五焙子等藥末以外治其幽隱之處山恐愈澁而愈流終必至於敗也也可不慎與

此處為正文內容，因字跡模糊，難以辨認。

鬼胎

婦人有腹似懷妊終年不產甚至二三年不生者此鬼胎也其人必面色黃瘦肌膚消削腹大如斗厥所由來必素與鬼交或入神廟而興雲雨之思或遊山林而起交感之念皆能召祟成胎幸其人不淫蕩見祟而有驚惶遇合而生愧惡則鬼祟不能久戀一交媾即遠去然淫妖之氣已結於腹遂成鬼胎其先尚未覺迨後漸漸腹大經水不行內外相包一如懷胎之狀有似血臙之形其實是鬼胎而非臙也治法必須以逐穢為主然

鬼崇之專儒者弗道然城

女科上

鬼胎

三

海山仙館叢書

市鄉曲往往  
有是症不可  
不察甚勿以  
此言為荒唐  
也

人至懷胎數年不產即非鬼胎亦必氣血衰微況此非  
真妊則邪氣必旺正不敵邪其虛弱之狀必有可掬烏  
可純用迅利之藥以祛蕩乎必於補中逐之為的也方  
用蕩鬼湯

人參 一兩 當歸 一兩 大黃 一兩 雷丸 三錢

川牛膝 三錢 紅花 三錢 丹皮 三錢 枳壳 一錢

厚朴 一錢 小桃仁 三十粒

水煎服一劑腹必大鳴可瀉惡物半桶再服一劑又  
瀉惡物而愈矣斷不可復用三劑也蓋雖補中用逐

未免迅利多用恐傷損元氣此方用雷丸以祛穢又  
得大黃之掃除且佐以厚朴紅花桃仁等味皆善行  
善攻之品何邪之尙能留腹中而不盡逐下也哉尤  
妙在用參歸以補氣血則邪去而正不傷若單用雷  
丸大黃以迅下之必有氣脫血崩之患矣倘或知是  
鬼胎如室女寡婦輩邪氣雖盛而真氣未漓可用岐  
天師新傳紅花霹靂散紅花 半斤 大黃 五兩 雷丸 三兩 水  
煎服亦能下胎然未免太於迅利過傷氣血不若蕩  
鬼湯之有益無損為愈也在人臨症時斟酌而善用

之耳

女子有在家未嫁月經忽斷腹大如妊面色乍赤乍白六脉乍大乍小以為血結經閉也誰知是靈鬼憑身乎夫人之身正則諸邪不敢侵其身不正則諸邪自來犯或精神恍惚而夢裏求親或眼目昏花而對面相狎或假托親屬而暗處貪歡或明言仙人而靜地取樂其始則驚詫為奇遇而不肯告人其後則羞赧為淫褻而不敢告人日久年深腹大如斗有如懷妊之狀一身之精血僅足以供腹中之邪則邪日旺而正日衰勢必至

室女鬼胎 十四

女子有在家未嫁月經忽斷腹大如妊面色乍赤乍白六脉乍大乍小以為血結經閉也誰知是靈鬼憑身乎夫人之身正則諸邪不敢侵其身不正則諸邪自來犯或精神恍惚而夢裏求親或眼目昏花而對面相狎或假托親屬而暗處貪歡或明言仙人而靜地取樂其始則驚詫為奇遇而不肯告人其後則羞赧為淫褻而不敢告人日久年深腹大如斗有如懷妊之狀一身之精血僅足以供腹中之邪則邪日旺而正日衰勢必至

此方陰陽大矣見有因此病羞憤而蹈於非命勞瘵而喪於妙年深為可憫若服此方不應

經閉而血枯後雖欲導其經而邪據其腹則經亦難通欲生其血而邪食其精則血實難長醫以為胎而實非真胎又以為瘕而亦非瘕病往往因循等待非因羞憤而亾其生即成勞瘵而終不起至死不悟不重可悲哉治法似宜補正以祛邪然邪不先去補正亦無益也必須先祛邪而後補正斯為得之方用蕩邪散

雷丸 六錢 桃仁 六十粒 當歸 一兩 丹皮 一兩  
甘草 四錢  
水煎服一劑必下惡物半桶再服調正湯治之

宜服桂香平胃散無不見效愈後宜調養氣血節飲食內桂去粗皮一錢麝香一錢以上二味共研細末開水為丸如桐子大空心開水下服後半日時煎平胃散一劑服之蒼木三錢炒厚朴三錢姜廣皮一錢

白木 五錢 蒼朮 五錢 茯苓 三錢 陳皮 一錢  
貝母 一錢 薏米 五錢  
水煎連服四劑則脾胃之氣轉而經水漸行矣前方蕩邪後方補正實有次第或疑身懷鬼胎必大傷其血所以經閉今既墜其鬼胎矣自當大補其血乃不補血而反補胃氣何故蓋鬼胎中人其正氣大虛可知氣虛則血必不能驟生欲補血必先補氣是補氣而血自然生也用二木以補胃陽陽氣旺則陰氣難犯尤善後之妙法也倘重用補陰之品則以陰招陰

女科上

鬼胎

海山仙館叢書



枳實二錢  
全當歸三錢  
川芎一錢  
服後必下惡  
物若不見下  
惡物次日再  
服平胃散不  
用桂香

吾恐鬼胎雖下而鬼氣未必不再侵故必以補陽為上策而血自隨氣而生也

調經經水先期 十五

婦科調經尤  
難蓋經調則  
無病不調則  
百病叢生治  
法宜詳察其  
病原細審其  
所以不調之  
故然後用藥  
始能見效此  
書雖有先期  
後期先後無  
定期之分然  
須與種子帶  
下門參看臨  
症時自有進

婦人有先期經來者其經甚多人以為血熱之極也誰知是腎中水火太旺乎夫火太旺則血熱水太旺則血多此有餘之病非不足之症也似宜不藥有喜但過於有餘則子宮太熱亦難受孕更恐有燥乾男精之慮過者損之謂非既濟之道乎然而火不可任其有餘而水斷不可使之不足治之法但少清其熱不必洩其水也方用清經散

丹皮 三錢  
地骨皮 五錢  
白芍 三錢  
酒炒大熟地 三錢  
九蒸

女科上

調經

壹

海山仙館叢書

青蒿 二錢 白茯苓 一錢 黃柏 五分  
鹽水浸炒

水煎服二劑而火自平此方雖是清火之品然仍是滋水之味火洩而水不與俱洩損而益也

又有先期經來只一二點者人以爲血熱之極也誰知腎中火旺而陰水虧乎夫同是先期之來何以分虛實之異蓋婦人之經最難調苟不分別細微用藥鮮克有效先期者火氣之冲多寡者水氣之驗故先期而來多者火熱而水有餘也先期而來少者火熱而水不足也倘一見先期之來俱以爲有餘之熱但洩火而不補水

或水火兩洩之有不更增其病者乎治之法不必洩火只專補水水既足而火自消矣亦既濟之道也方用兩地湯

大生地 一兩 元參 一兩 白芍藥 五錢 麥冬肉 五錢  
酒炒  
地骨皮 三錢 阿膠 三錢

水煎服四劑而經調矣此方之用地骨生地能清骨中之熱骨中之熱由於腎經之熱清其骨髓則腎氣自清而又不損傷胃氣此治之巧也况所用諸藥又純是補水之味水盛而火自平理也此條與上條參

觀斷無誤治先期之病矣

經水後期 十六

婦人有經水後期而來多者人以為血虛之病也誰知非血虛乎蓋後期之多少實有不同不可執一而論蓋後期而來少血寒而不足後期而來多血寒而有餘夫經本於腎而其流五臟六腑之血皆歸之故經來而諸經之血盡來附益以經水行而門啟不遲迨闔諸經之血乘其隙而皆出也但血既出矣則成不足治法宜於補中溫散之不得曰後期者俱不足也方用溫經攝血湯

大熟地一兩 白芍一兩 川芎五錢 白木五錢  
九蒸 酒炒 肉桂五分 續斷一錢  
 柴胡五分 五味子三分 去粗研  
 水煎服三劑而經調矣此方大補肝腎脾之精與血  
 加肉桂以祛其寒柴胡以解其鬱是補中有散而散  
 不耗氣補中有洩而洩不損陰所以補之有益而温  
 之收功此調經之妙藥也而攝血之仙丹也凡經來  
 後期者俱可用倘元氣不足加人參一二錢亦可

經水先後無定期 十七

婦人有經來斷續或前或後無定期人以爲氣血之虛  
 也誰知是肝氣之鬱結乎夫經水出諸腎而肝爲腎之  
 子肝鬱則腎亦鬱矣腎鬱而氣必不宜前後之或斷或  
 續正腎之或通或閉耳或曰肝氣鬱而腎氣不應未必  
 至於如此殊不知子母關切子病而母必有顧復之情  
 肝鬱而腎不無繾綣之誼肝氣之或開或閉即腎氣之  
 或去或留相因而致又何疑焉治法宜舒肝之鬱即開  
 腎之鬱也肝腎之鬱既開而經水自有一定之期矣方

以上調經三  
條辨論明晰

立方微妙但恐臨時或有外感內傷不能見效有外感者宜加蘇葉一錢有內傷者宜加神曲二錢炒有因肉食積滯者再加東山查肉炒錢臨症須酌用之若肝氣鬱抑又當以逍遙散為主有熱加梔炭丹皮即加味逍遙散

用定經湯

兔絲子一兩酒炒 白芍一兩酒炒 當歸一兩酒洗 大熟地五錢九蒸  
山藥五錢炒 白茯苓三錢 芥穗二錢炒黑 柴胡五分  
水煎服二劑而經水淨四劑而經期定矣此方舒肝腎之氣非通經之藥也補肝腎之精非利水之品也肝腎之氣舒而精通肝腎之精旺而水利不治之治正妙於治也

經水數月一行十八

婦人有數月一行經者每以為常亦無或先或後之異亦無或多或少之殊人莫不以為異而不知非異也蓋無病之人氣血兩不虧損耳夫氣血既不虧損何以數月而一行經也婦人之中亦有天生仙骨者經水必一季一行蓋以季為數而不以月為盈虛也真氣內藏則坎中之真陽不損倘加以煉形之法一年之內便易飛騰無如世人不知見經水不應月來誤認為病妄用藥餌本無病而治之成病是治反不如其不治也山聞異

曾見婦人一年一行經身健無恙妊娠後反月月俱

行經或至五  
月至七月經  
止不等有男  
皆成人咸以  
為異或亦仙  
骨之所致乎  
抑造化令人  
不測耶

人之教特為闡揚使世人見此等行經不必妄行治療  
萬勿疑為氣血之不足而輕一試也雖然天生仙骨之  
婦人世固不少而嗜慾損天之人亦復甚多又不可不  
立一療救之方以輔之方名助仙丹

白茯苓

五錢

陳皮

五錢

白朮

三錢

白芍

三錢

山藥

三錢

兔絲子

二錢

杜仲

一錢

甘草

一錢

河水煎服四劑而仍如其舊不可再服也此方平補  
之中實有妙理健脾益腎而不滯解鬱清痰而不洩  
不損天然之氣血便是調經之大法何得用他藥以

冀通經哉

年老經水復行 十九

婦人有年五十外或六七十歲忽然行經者或下紫血塊或如紅血淋人或謂老婦行經是還少之象誰知是血崩之漸乎夫婦人至七七之外天癸已竭又不服濟陰補陽之藥如何能精滿化經一如少婦然經不宜行而行者乃肝不藏脾不統之故也非精過洩而動命門之火卽氣鬱甚而發龍雷之炎二火交發而血乃奔矣有似行經而實非經也此等之症非大補肝脾之氣與血而血安能驟止方用安老湯

加貫仲炭一錢  
研細末以藥冲服尤妙

人參 一兩

黃芪 一兩

生用

大熟地 一兩

九蒸

白朮 五錢

土炒

當歸 五錢

酒洗

山萸 五錢

蒸

阿膠 一錢

蛤粉炒

黑芥穗 一錢

一錢

甘草 一錢

酒洗

香附 五分

酒炒

木耳炭 一錢

一錢

水煎服一劑減二劑尤減四劑全減十劑愈此方補益肝脾之氣氣足自能生血而攝血尤妙大補腎水水足而肝氣自舒肝舒而脾自得養肝藏之而脾統之又安有洩漏者又何慮其血崩哉

經水忽來忽斷時疼時止 二十

婦人有經水忽來忽斷時疼時止寒熱往來者人以爲血之凝也誰知是肝氣不舒乎夫肝屬木而藏血最惡風寒婦人當行經之際腠理大開適逢風之吹寒之襲則肝氣爲之閉塞而經水之道路亦隨之而俱閉由是腠理經絡各皆不宣而寒熱之作由是而起其氣行於陽分則生熱其氣行於陰分則生寒然此猶感之輕者也倘外感之風寒更甚則內應之熱氣益深往往有熱入血室而變爲如狂之症一似遇鬼之狀者若但往來



寒熱是風寒未甚而熱未深耳治法宜補肝中之血通其鬱而散其風則病隨手而效所謂治風先治血血和風自滅此其一也方用加味四物湯

加荆芥穗炒  
黑一錢尤妙

大熟地一兩 白芍五錢 當歸五錢 川芎三錢  
白朮五錢 粉丹皮三錢 元胡一錢 甘草一錢  
柴胡一錢

水煎服此方用四物以滋脾胃之陰血用柴胡白芍丹皮以宣肝經之風鬱用甘草白朮元胡以利腰膈而和腹疼入於表裏之間通乎經絡之內用之得宜

自奏功如響也

--	--	--

經水未來腹先疼 二十一

婦人有經前腹疼數日而後經水行者其經來多是紫黑塊人以爲寒極而然也誰知是熱極而火不化乎夫肝屬木其中有火舒則通暢鬱則不揚經欲行而肝不應則抑拂其氣而疼生然經滿則不能內藏而肝中之鬱火焚燒內逼經出則其火亦因之而怒洩其紫黑者水火兩戰之象也其成塊者火煎成形之狀也經失其爲經者正鬱火內奪其權耳治法似宜大洩肝中之火然洩肝之火而不解肝之鬱則熱之標可去而熱之本

未除也其何能益方用宣鬱通經湯

白芍

五錢 酒炒

當歸

五錢 酒洗

丹皮

五錢

山梔子

三錢 炒

白芥子

二錢 炒

柴胡

一錢 研

香附

一錢 酒炒

川鬱金

一錢 醋炒

黃芩

一錢 酒炒

生甘草

一錢

水煎連服四劑下月斷不先腹疼而後行經矣此方  
補肝之血而解肝之鬱利肝之氣而降肝之火所以  
奏功之速

行經後少腹疼痛 二十二

婦人有少腹疼於行經之後者人以爲氣血之虛也誰  
知是腎氣之涸乎夫經水者乃天一之真水也滿則溢  
而虛則閉亦其常耳何以虛能作疼哉蓋腎水一虛則  
水不能生木而肝木必尅脾土木土相爭則氣必逆故  
爾作疼治法必須以舒肝氣爲主而益之以補腎之味  
則水足而肝氣益安肝氣安而逆氣自順又何疼痛之  
有哉方用調肝湯

山藥

五錢 炒

阿膠

三錢 白麵炒

當歸

三錢 酒洗

白芍

三錢 酒炒

海山仙館叢書

女科

調經

三

經前經後腹  
痛二方極妙

不可加減若  
有別症亦宜  
此方為主另  
加藥味治之  
原方不可減  
去一味

山黃肉

三錢  
蒸熟

巴戟

一錢  
鹽水浸

甘草

一錢

水煎服此方平調肝氣既能轉逆氣又善止鬱疼經後之症以此方調理最佳不特治經後腹疼之症也

經前腹痛吐血 二十三

婦人有經未行之前一二日忽然腹疼而吐血人以為火熱之極也誰知是肝氣之逆乎夫肝之性最急宜順而不宜逆順則氣安逆則氣動血隨氣為行止氣安則血安氣動則血動亦勿恠其然也或謂經逆在腎不在肝何以隨血妄行竟至從口上出也是肝不藏血之故乎抑腎不納氣而然乎殊不知少陰之火急如奔馬得肝火直冲而上其勢最捷反經而為血亦至便也正不必肝不藏血始成吐血之症但此等吐血與各經之吐

婦人年壯吐血往往有之不可作勞症治若認爲勞症必至肝氣愈逆非勞反成勞矣方加

血有不同者蓋各經之吐血由內傷而成經逆而吐血乃內溢而激之使然也其症有絕異而其氣逆則一也治法似宜平肝以順氣而不必益精以補腎矣雖然經逆而吐血雖不大損夫血而反覆顛倒未免太傷腎氣必須於補腎之中用順氣之法始爲得當方用順經湯

當歸

五錢

大熟地

五錢

白芍

二錢

丹皮

五錢

白茯苓

三錢

沙參

三錢

黑芥穗

三錢

水煎服一劑而吐血止二劑而經順十劑不再發此方於補腎調經之中而用引血歸經之品是和血之

茜草一錢懷牛膝八分尤妙

法實寓順氣之法也肝不逆而腎氣自順腎氣既順又何經逆之有哉

經水將來臍下先疼痛 二十四

婦人有經水將來三五日前而臍下作疼狀如刀刺者  
 或寒熱交作所下如黑豆汁人莫不以為血熱之極誰  
 知是下焦寒濕相爭之故乎夫寒濕乃邪氣也婦人有  
 衝任之脉居於下焦衝為血海任主胞胎為血室均喜  
 正氣相通最惡邪氣相犯經水由二經而外出而寒濕  
 滿二經而內亂兩相爭而作疼痛邪愈盛而正氣日衰  
 寒氣生濁而下如豆汁之黑者見北方寒水之象也治  
 法利其濕而溫其寒使衝任無邪氣之亂臍下自無疼

痛之疾矣方用溫臍化濕湯

白朮一兩 土炒 白茯苓 三錢 山藥 五錢 炒 巴戟肉 五錢 鹽水浸

扁豆 炒搗 三錢 白菓 十枚 搗碎 建蓮子 三十枚 不去心

水煎服然必須經未來前十日服之四劑而邪氣去  
經水調兼可種子此方君白朮以利腰臍之氣用巴  
戟白果以通任脉扁豆山藥蓮子以衛衝脉所以寒  
濕掃除而經水自調可受妊矣倘疑腹痛為熱疾妄  
用寒涼則衝任虛冷血海變為冰海血室反成冰室  
無論難於生育而疼痛之止又安有日哉

衝任之氣宜  
通不宜降故  
化濕不用蒼  
朮薏仁餘宜  
類參

經水過多 二十五

婦人有經水過多行後復行面色痿黃身體倦怠而困  
乏愈甚者人以爲血熱有餘之故誰知是血虛而不歸  
經乎夫血旺始經多血虛當經縮今日血虛而反經多  
是何言與殊不知血歸於經雖旺而經亦不多血不歸  
經雖衰而經亦不少世之人見經水過多謂是血之旺  
也此治之所以多錯耳倘經多果是血旺自是健壯之  
體須當一行即止精力如常何至一行後而再行而困  
乏無力耶惟經多是血之虛故再行而不勝其困乏血

損精散骨中髓空所以不能色華於面也治法宜大補血而引之歸經又安有行後復行之病哉方用加減四物湯

荆芥穗炭能引血歸經方妙極不可輕易加減

大熟地一兩九蒸白芍三錢酒炒當歸五錢酒洗川芎二錢酒洗

白朮五錢土炒黑芥穗三錢山萸三錢蒸續斷一錢

甘草一錢

水煎服四劑而血歸經矣十劑之後加入參三錢再服十劑下月行經適可而止矣夫四物湯乃補血之神品加白朮荆芥補中有利加山萸續斷止中有行

加甘草以調和諸品使之各得其宜所以血足而歸經歸經而血自靜矣



--	--	--

經前洩水 二十六

婦人有經未來之前洩水三日而後行經者人以為血旺之故誰知是脾氣之虛乎夫脾統血脾虛則不能攝血矣且脾屬濕土脾虛則土不實土不實而濕更甚所以經水將動而脾先不固脾經所統之血欲流注於血海而濕氣乘之所以先洩水而後行經也調經之法不在先治其水而在先治其血抑不在先治其血而在先補其氣蓋氣旺而血自能生抑氣旺而濕自能除且氣旺而經自能調矣方用健固湯

與胖人不孕  
參看自得立  
方之妙

人參 五錢  
白茯苓 三錢  
白朮 一兩  
巴戟 五錢  
鹽水浸  
薏苡仁 三錢  
炒

水煎連服十劑經前不洩水矣此方補脾氣以固脾  
血則血攝於氣之中脾氣日盛自能運化其濕濕既  
化為烏有自然經水調和又何至經前洩水哉

經前大便下血 二十七

婦人有行經之前一日大便先出血者人以為血崩之  
症誰知是經流於大腸乎夫大腸與行經之路各有分  
別何以能入乎其中不知胞胎之系上通心而下通腎  
心腎不交則胞胎之血兩無所歸而心腎二經之氣不  
來照攝聽其自便所以血不走小腸而走大腸也治法  
若單止大腸之血則愈止而愈多若擊動三焦之氣則  
更拂亂而不可止蓋經水之妄行原因心腎之不交今  
不使水火之既濟而徒治其胞胎則胞胎之氣無所歸

若大便下血  
過多精神短  
少人愈消瘦  
必係肝氣不

舒久鬱傷脾  
脾傷不能統  
血又當分別  
治之方用補  
血湯  
嫩黃芪二兩  
歸身四錢酒  
杭芍炭三錢  
焦白朮五錢  
杜仲炒二錢  
荆芥炭二錢  
姜炭二錢  
引用貫仲炭  
一錢沖入服  
之四劑必獲  
愈愈後減半  
再服二劑

經入大腸必  
當行經之際  
而大便下血  
也初病血雖  
錯行精神必  
照常若脾不  
統血精神即  
不能照常矣  
用者辨之

而血安有歸經之日故必大補其心與腎使心腎之氣  
交而胞胎之氣自不散則大腸之血自不妄行而經自  
順矣方用順經兩安湯

當歸五錢 白芍五錢 大熟地五錢 山萸肉二錢  
人參三錢 白朮五錢 麥冬五錢 黑芥穗二錢  
巴戟肉一錢 鹽水浸 升麻四分  
水煎服二劑大腸血止而經從前陰出矣三劑經止  
而兼可受妊矣此方乃大補心肝腎三經之藥全不  
去顧胞胎而胞胎有所歸者以心腎之氣交也蓋心

腎虛則其氣兩分心腎足則其氣兩合心與腎不離  
而胞胎之氣聽命於二經之攝又安有妄動之形哉  
然則心腎不交補心腎可也又何兼補夫肝木耶不  
知肝乃腎之子心之母也補肝則肝氣往來於心腎  
之間自然上引心而下入於腎下引腎而上入於心  
不啻介紹之助也此使心腎相交之一大法門不特  
調經而然也學者其深思諸

年未老經水斷 二十八  
經云女子七七而天癸絕有年未至七七而經水先斷者人以爲血枯經閉也誰知是心肝脾之氣鬱乎使其血枯安能久延於人世醫見其經水不行妄謂之血枯耳其實非血之枯乃經之閉也且經原非血也乃天一之水出自腎中是至陰之精而有至陽之氣故其色赤紅似血而實非血所以謂之天癸世人以經爲血此千古之誤牢不可破倘果是血何不名之曰血水而曰經水乎古昔聖賢創呼經水之名者原以水出於腎乃癸

年未老經水斷 二十八

經云女子七七而天癸絕有年未至七七而經水先斷者人以爲血枯經閉也誰知是心肝脾之氣鬱乎使其血枯安能久延於人世醫見其經水不行妄謂之血枯耳其實非血之枯乃經之閉也且經原非血也乃天一之水出自腎中是至陰之精而有至陽之氣故其色赤紅似血而實非血所以謂之天癸世人以經爲血此千古之誤牢不可破倘果是血何不名之曰血水而曰經水乎古昔聖賢創呼經水之名者原以水出於腎乃癸

干之化故以名之無如世人沿襲而不深思其旨皆以血視之然則經水早斷似乎腎水衰涸吾以為心肝脾氣之鬱者蓋以腎水之生原不由於心肝脾而腎水之化實有關於心肝脾使水位之下無土氣以承之則水濫滅火腎氣不能化火位之下無水氣以承之則火炎鑠金腎氣無所生木位之下無金氣以承之則木妄破土腎氣無以成倘心肝脾有一經之鬱則其氣不能入於腎中腎之氣即鬱而不宣矣況心肝脾俱鬱即腎氣真足而無虧尚有茹而難吐之勢矧腎氣本虛又何能

盈滿而化經水外洩即經曰亢則害此之謂也此經之所以閉塞有似乎血枯而實非血枯耳治法必須散心肝脾之鬱而大補其腎水仍大補其心肝脾之氣則精溢而經水自通矣方用益經湯

大熟地一兩 白朮一兩 山藥五錢 當歸五錢  
白芍三錢 生棗仁三錢 丹皮二錢 沙參三錢  
柴胡一錢 杜仲一錢 人參二錢

水煎連服八劑而經通矣服三十劑而經不再閉兼可受孕此方心肝脾腎四經同治藥也妙在補以通

善醫者祇用眼前純和之品而大病盡除不善醫者立異矜奇不惟無效反致百病叢生凡用藥雜亂假金石為上品者戒之戒之

之散以開之倘徒補則鬱不開而生火徒散則氣益衰而耗精設或用攻堅之劑辛熱之品則非徒無益而又害之矣

女科上終

身瘦不孕 二十九

婦人有瘦怯身軀久不孕有一交男子卽臥病終朝人以為氣虛之故誰知是血虛之故乎或謂血藏於肝精涵於腎交感乃洩腎之精與血虛何與殊不知肝氣不開則精不能洩腎精既洩則肝氣亦不能舒以腎為肝之母母既洩精不能分潤以養其子則木燥乏水而火且暗動以鑠精則腎愈虛矣况瘦人多火而又洩其精則水益少而火益熾水雖制火而腎精空乏無力以濟成火在水上之卦所以倦怠而臥也此等之婦偏易動

服藥三月後  
不受孕仍照  
原方加杜仲  
二錢續斷  
少續斷  
二錢白朮錢  
焦雲苓錢

火然此火因貪慾而出於肝木之中又是虛燥之火絕  
非真火也且不交合則已交合又偏易走洩此陰虛火  
旺不能受孕即偶爾受孕必致逼乾男子之精隨種而  
隨消者有之治法必須大補腎水而平肝木水旺則血  
旺血旺則火消便成水在火上之卦方用養精種玉湯  
大熟地一兩當歸五錢白芍五錢山萸肉五錢  
九蒸酒洗酒炒水煎服三月便可身健受孕斷可種子此方之用不  
特補血而純於填精精滿則子宮易於攝精血足則  
子宮易於容物皆有子之道也惟是貪慾者多節慾

服數劑後必  
受孕

者少往往不驗服此者果能節慾三月心靜神清自  
無不孕之理否則不過身體壯健而已勿咎方之不  
靈也

女科

種子

海山仙館叢書

--	--	--	--	--

胸滿不思食不孕

三十

婦人有飲食少思胸膈滿悶終日倦怠思睡一經房事  
 呻吟不已人以爲脾胃之氣虛也誰知是腎氣不足乎  
 夫氣宜升騰不宜消降升騰於上焦則脾胃易於分運  
 降陷於下焦則脾胃難於運化人乏水穀之養則精神  
 自爾倦怠脾胃之氣可升而不可降也明甚然則脾胃  
 之氣雖充於脾胃之中實生於兩腎之內無腎中之水  
 氣則胃之氣不能騰無腎中之火氣則脾之氣不能化  
 惟有腎之水火二氣而脾胃之氣始能升騰而不降也



胸滿不孕人  
每誤為脾胃  
虛寒不能尅  
食用扶脾消  
導之藥腎氣  
愈虛何能受  
孕妙在立方  
不峻補腎火  
所以不用桂  
附等藥但專  
補腎氣使脾  
胃之氣不復  
下陷則帶脉  
氣充胞胎氣  
暖自然受孕  
無難矣

然則補脾胃之氣可不急補腎中水火之氣乎治法必  
以補腎氣為主但補腎而不兼補脾胃之品則腎之水  
火二氣不能提於至陽之上也方用并提湯

大熟地 一兩 九蒸 巴戟 一兩 鹽水浸 白朮 一兩 土炒 人參 五錢

黃芪 五錢 生用 山萸肉 三錢 蒸 枸杞 二錢 柴胡 五分

水煎服三月而腎氣大旺再服一月未有不能受孕  
者此方補氣之藥多於補精似乎以補脾胃為主矣  
孰知脾胃健而生精自易是補脾胃之氣與血正所  
以補腎之精與水也又益以補精之味則陰氣自足

陽氣易升自爾騰越於上焦矣陽氣不下陷則無非  
大地陽春隨遇皆是化生之機安有不受孕之理與

--	--	--	--

下部冰冷不受孕 三十一

婦人有下身冰冷非火不煖交感之際陰中絕無溫熱之氣人以爲天分之薄也誰知是胞胎寒之極乎夫寒冰之地不生草木重陰之淵不長魚龍今胞胎既寒何能受孕雖男子鼓勇力戰其精甚熱直射於子宮之內而寒冰之氣相逼亦不過茹之於暫而不能不吐之於久也夫猶是人也此婦之胞胎何以寒涼至此豈非天分之薄乎非也蓋胞胎居於心腎之間上繫於心而下繫於腎胞胎之寒涼乃心腎二火之衰微也故治胞胎

今之種子者多喜服熱藥不知此方特為胞胎寒者設若胞胎有熱則不宜服審之

者必須補心腎二火而後可方用溫胞飲

白朮一兩 土炒 巴戟一兩 鹽水浸 人參三錢 杜仲三錢 炒黑

兔絲子三錢 酒浸炒 山藥三錢 炒 芡實三錢 炒 肉桂二錢 去粗研

附子三分 製 補骨脂二錢 鹽水炒

水煎服一月而胞胎熱此方之妙補心而即補腎溫腎而即溫心心腎之氣旺則心腎之火自生心腎之火生則胞胎之寒自散原因胞胎之寒以至茹而即吐而今胞胎既熱矣尚有施而不受者乎若改湯為丸朝夕吞服尤能攝精斷不至有伯道無兒之歎也

胸滿少食不孕 二十二

婦人有素性恬淡飲食少則平和多則難受或作嘔洩胸膈脹滿久不受孕人以為賦稟之薄也誰知是脾胃虛寒乎夫脾胃之虛寒原因心腎之虛寒耳蓋胃土非心火不能生脾土非腎火不能化心腎之火衰則脾胃失生化之權即不能消水穀以化精微矣既不能化水穀之精微自無津液以灌溉於胞胎之中欲胞胎有溫煖之氣以養胚胎必不可得總然受胎而帶脉無力亦必墮落此脾胃虛寒之咎故無玉麟之毓也治法可不

少食不與  
胸滿不思飲  
食有間一補  
腎中之氣一  
補命門與心  
包絡之火藥  
味不多其君  
臣佐使之妙  
宜細參之

急温補其脾胃乎然脾之母原在腎之命門胃之母原  
在心之包絡欲温補脾胃必須補二經之火蓋母旺子  
必不弱母熱子必不寒此子病治母之義也方用温土  
毓麟湯

巴戟

一兩  
去心酒浸

覆盆子

一兩  
酒浸蒸

白朮

五錢  
土炒

人參

三錢

懷山藥

五錢

神麴

一錢  
炒

水煎服一月可以種子矣此方之妙温補脾胃而又  
兼補命門與心包絡之火藥味不多而四經並治命  
門心包之火旺則脾與胃無寒冷之虞子母相顧一

家和合自然飲食多而善化氣血旺而能任帶脉有  
力不虞落胎安有不玉麟之育哉

--	--	--	--

少腹急迫不孕

三十三

婦人有少腹之間自覺有緊迫之狀急而不舒不能生育此人人之所不識也誰知是帶脉之拘急乎夫帶脉繫於腰臍之間宜弛而不宜急今帶脉之急者由於腰臍之氣不利也而腰臍之氣不利者由於脾胃之氣不足也脾胃氣虛則腰臍之氣閉腰臍之氣閉則帶脉拘急遂致牽動胞胎精即直射於胞胎胞胎亦暫能茹納而力難負載必不能免小產之虞況人多不能節慾安得保其不墜乎此帶脉之急所以不能生子也治法宜

凡種子治法  
不出帶脉胞  
胎二經數言  
已洩造化之  
秘矣

寬其帶脉之急而帶脉之急不能遽寬也宜利其腰臍  
之氣而腰臍之氣不能遽利也必須大補其脾胃之氣  
與血而腰臍可利帶脉可寬自不難於孕育矣方用寬  
帶湯

白朮

一兩  
土炒

巴戟肉

五錢  
酒浸

補骨脂

一錢  
鹽水炒

人參

三錢

麥冬

三錢  
去心

杜仲

三錢  
炒黑

大熟地

五錢  
九蒸

肉苁蓉

三錢  
洗淨

白芍

三錢  
酒炒

當歸

二錢  
酒洗

五味

三分  
炒

建蓮子

二十粒  
不去心

水煎服四劑少腹無緊迫之狀服一月即受胎此方  
之妙脾胃兩補而又利其腰臍之氣自然帶脉寬舒

可以載物而勝任矣或疑方中用五味白芍之酸收  
不增帶脉之急而反得帶脉之寬殊不可解豈知帶  
脉之急由於氣血之虛蓋血虛則縮而不伸氣虛則  
攣而不達用芍藥之酸以平肝木則肝不尅脾用五  
味之酸以生腎水則腎能益帶似相碍而實相濟也  
何疑之有

婦人有懷抱素惡不能生子者人以為天心厭之也誰  
 知是肝氣鬱結乎夫婦人之有子也必然心脉流利而  
 滑脾脉舒徐而和腎脉旺大而鼓指始稱喜脉未有三  
 部脉鬱而能生子者也若三部脉鬱肝氣必因之而更  
 鬱肝氣鬱則心腎之脉必致鬱之極而莫解蓋子母相  
 依鬱必不喜喜必不鬱也其鬱而不能成胎者以肝木  
 不舒必下尅脾土而致塞脾土之氣塞則腰臍之氣必  
 不利腰臍之氣不利必不能通任脉而達帶脉則帶脉

嫉妬不孕

三十四

婦人有懷抱素惡不能生子者人以為天心厭之也誰  
 知是肝氣鬱結乎夫婦人之有子也必然心脉流利而  
 滑脾脉舒徐而和腎脉旺大而鼓指始稱喜脉未有三  
 部脉鬱而能生子者也若三部脉鬱肝氣必因之而更  
 鬱肝氣鬱則心腎之脉必致鬱之極而莫解蓋子母相  
 依鬱必不喜喜必不鬱也其鬱而不能成胎者以肝木  
 不舒必下尅脾土而致塞脾土之氣塞則腰臍之氣必  
 不利腰臍之氣不利必不能通任脉而達帶脉則帶脉

方似平平無  
奇然却能解  
妬種子不可  
忽視若懷娠  
而仍然嫉妬  
必致血鬱墮  
胎即幸不墮  
胎生子多不  
能成方加解  
妬飲合煎之  
可保無虞必  
須變其性情  
始效

之氣亦塞矣帶脉之氣既塞則胞胎之門必閉精即到  
門亦不得其門而入矣其奈之何哉治法必解四經之  
鬱以開胞胎之門則幾矣方用開鬱種玉湯

白芍 一兩 酒炒 香附 三錢 酒炒 當歸 五錢 酒洗 白朮 五錢 土炒

丹皮 三錢 酒洗 茯苓 三錢 去皮 花粉 二錢

水煎服一月則鬱結之氣開鬱開則無非喜氣之盈  
腹而嫉妬之心亦可以一易自然兩相合好結胎於  
頃刻之間矣此方之妙解肝氣之鬱宣脾氣之困而  
心腎之氣亦因之俱舒所以腰臍利而任帶通達不

解妬飲

黍 穀 各  
十 粒  
麥 小  
黑 豆 各 四  
十 九 粒  
豆  
炒 熟 高 糧  
五 十 五 粒

必啟胞胎之門而胞胎自啟不特治嫉妬者也



肥胖不孕

三十五

婦人有身體肥胖痰涎甚多不能受孕者人以爲氣虛之故誰知是濕盛之故乎夫濕從下受乃言外邪之濕也而肥胖之濕實非外邪乃脾土之內病也然脾土既病不能分化水穀以養四肢宜其身驅瘦弱何以能肥胖乎不知濕盛者多肥胖肥胖者多氣虛氣虛者多痰涎外似健壯而內實虛損也內虛則氣必衰氣衰則不能行水而濕停於腸胃之間不能化精而化涎矣夫脾本濕土又因痰多愈加其濕脾不能受熱必津潤於胞

胎日積月累則胞胎竟變為汪洋之水窟矣且肥胖之婦內肉必滿遮隔子宮不能受精此必然之勢也况又加以水濕之盛即男子甚健陽精直達子宮而其水勢滔滔泛濫可畏亦遂化精成水矣又何能成妊哉治法必須以洩水化痰為主然徒洩水化痰而不急補脾胃之氣則陽氣不旺濕痰不去人先病矣烏望其茹而不吐乎方用加味補中益氣湯

人參 三錢 黃芪 三錢 柴胡 一錢 甘草 一錢  
當歸 三錢 白朮 一兩 升麻 四分 陳皮 五分  
酒洗 土炒 生用

再十劑後方  
加杜仲一錢  
半炒斷絲續  
斷錢半炒必  
受孕矣

茯苓 五錢 半夏 三錢  
製

水煎服八劑痰涎盡消再十劑水濕利子宮涸出易於受精而成孕矣其在於昔則如望洋觀海而至於今則是馬到成功也快哉此方之妙妙在提脾氣而升於上作雲作雨則水濕反利於下行助胃氣而消於下為津為液則痰涎轉易於上化不必用消化之品以損其肥而肥自無碍不必用濬決之味以開其竅而竅自能通陽氣充足自能攝精濕邪散除自可受種何肥胖不孕之足慮乎

--	--	--	--

骨蒸夜熱不孕 三十六

婦人有骨蒸夜熱遍體火焦口乾舌燥咳嗽吐沫難於生子者人以為陰虛火動也誰知是骨髓內熱乎夫寒陰之地固不生物而乾旱之田豈能長養然而骨髓與胞胎何相關切而骨髓之熱即能使人不嗣此前賢所未言者也山一旦創言之不幾為世俗所駭乎而要知不必駭也此中實有其理焉蓋胞胎為五臟外之一臟耳以其不陰不陽所以不列於五臟之中所謂不陰不陽者以胞胎上繫於心包下繫於命門繫心包者通於

心者陽也繫命門者通於腎腎者陰也是陰之中有陽陽之中有陰所以通於變化或生男或生女俱從此出然必陰陽協和不偏不枯始能變化生人否則否矣况胞胎既通於腎而骨髓亦腎之所化也骨髓熱由於腎之熱腎熱而胞胎亦不能不熱且胞胎非骨髓之養則嬰兒無以生骨骨髓過熱則骨中空虛惟存火烈之氣又何能成胎治法必須清骨中之熱然骨熱由於水虧必補腎之陰則骨熱除珠露有滴濡之喜矣壯水之主以制陽光此之謂也方用清骨滋腎湯

治骨髓熱所以不用熟地  
方極善用者  
萬勿加減  
凡峻藥病去  
七分即止不  
必拘泥三十  
劑六十劑之  
數三元生人  
不一餘類推

地骨皮一兩丹皮五錢沙參五錢麥冬五錢  
酒洗  
元參五錢五味子五分白朮三錢石斛二錢  
酒洗  
水煎連服三十劑而骨熱解再服六十劑自受孕此方之妙補腎中之精涼骨中之熱不清胞胎而胞胎自無太熱之患然陰虛內熱之人原易受妊今因骨髓過熱所以受精而變燥以致難於育子本非胞胎之不能受精所以稍補其腎以殺其火之有餘而益其水之不足便易種子耳

腰酸腹脹不孕 三十七

婦人有腰酸背楚胸滿腹脹倦怠欲臥百計求嗣不能如願人以爲腰腎之虛也誰知是任督之困乎夫任脉行於前督脉行於後然皆從帶脉之上下而行也故任脉虛則帶脉墜於前督脉虛則帶脉墜於後雖胞胎受精亦必小產况任督之脉既虛而疝瘕之症必起疝瘕碍胞胎而外障則胞胎縮於疝瘕之內往往精施而不能受雖餌以玉燕亦何益哉治法必須先去其疝瘕之病而補其任督之脉則提挈天地把握陰陽呼吸精氣

此方為有疝  
瘕而設故用  
沙參葶藶粉  
驚甲以破堅  
理氣若無疝  
瘕去上三味  
加杜仲半錢  
黑  
澤瀉炒一錢半  
甘枸杞二錢  
三味服之腰  
酸腹脹自除  
矣驚甲破氣  
不可誤服惟  
有疝瘕與肝  
鬱者宜之

包裹成形力足以勝任而無虞矣外無所障內有所容  
安有不能生育之理方用升帶湯

白朮一兩人參三錢沙參五錢肉桂一錢  
土炒

葶藶粉三錢驚甲三錢茯苓三錢半夏一錢  
炒

神麴一錢  
炒

水煎連服三十劑而任督之氣旺再服三十劑而疝  
瘕之症除此方利腰臍之氣正升補任督之氣也任  
督之氣升而疝瘕自有難容之勢况方中有肉桂以  
散寒葶藶以祛積驚甲之攻堅茯苓之利濕有形自

化於無形滿腹皆升騰之氣矣何至受精而再墜乎  
哉

便澁腹脹足浮腫不孕 三十八

婦人有小水艱澁腹脹脚腫不能受孕者人以爲小腸之熱也誰知是膀胱之氣不化乎夫膀胱原與胞胎相近膀胱病而胞胎亦病矣蓋水濕之氣必走膀胱而膀胱不能自化必得腎氣相通始能化水以出陰器倘膀胱無腎氣之通則膀胱之氣化不行水濕之氣必且滲入胞胎之中而成汪洋之勢汪洋之田又何能生物也哉治法必須壯腎氣以分消胞胎之濕益腎火以達化膀胱之水使先天之本壯則膀胱之氣化胞胎之濕除

便澁腹脹足  
浮腫此症極  
多不惟不能  
受孕抑且漸  
添雜症久而  
不愈甚有成  
勞瘵不治者  
此方補水而  
不助濕補火  
而使歸原善  
極不可加減  
一味若無好  
肉桂以破故  
紙一錢代之  
用核桃仁二

而汪洋之田化成雨露之壤矣水化則膀胱利火旺則  
胞胎煖安有布種而不發生者哉方用化水種子湯

巴戟一兩 白朮一兩 茯苓五錢 人參三錢

兔絲子五錢 艾實五錢 車前二錢 肉桂一錢

水煎服二劑膀胱之氣化四劑艱澁之症除又十劑

虛脹脚腫之病形消再服六十劑腎氣大旺胞胎溫

煖易於受胎而生育矣此方利膀胱之水全在補腎

中之氣煖胞胎之氣全在壯腎中之火至於補腎之

藥多是濡潤之品不以濕而益助其濕乎然方中之

筒連皮燒黑  
去皮用仁作  
引若用好肉  
桂即可不用  
核桃引

藥妙於補腎之火而非補腎之水尤妙於補火而無  
燥烈之虞利水而非蕩滌之猛所以膀胱氣化胞胎  
不濕而發榮長養無窮與



女科上卷終

嘉應李性校

